

1606

FIRPO

3656

BIBLIOTECA NAZIONALE
TORINO




chi l'a pi 'd fil farà pi 'd teila

Ex libris

LUIGI FIRPO





LAU DAT IO
BERNARDINI
STEPHONII
SOCIETATIS IESV
AD S. P. Q. R.

Habita in funere FLAMINII DELPHINII
Ferrariensium, Equitum Magistri.



ROMAE, Apud Aloisium Zannettum. MDCVI.


SVPERIORVM PERMISSV.

REVUE
STÉPHANE
AD. P. G. R.

REVUE
STÉPHANE
AD. P. G. R.



REVUE
STÉPHANE
AD. P. G. R.



S. P. Q. R.

MARIVS CELSVS S. P.



NE Flaminij Delphinij, auūcū-
li mei nomen, quod ex fu-
nebri laudatione Bernardini
Stephonij beneficio in om-
niū memoria sermonibusq;
viuit ingenti bonorum mce-
rore propediem interirer, cō-
sulendum videlicet publica typorum testificatio-
ne illi monumentum fuit: vnde æternam tanto
viro famæ celebritatem doctissimi cuiusque con-
sensus pollicetur. Incurram (sat scio) in aliquam
scriptoris indignationem, qui vel surreptam, vel
extortam orationem ipso inuito euulgauerim; sed
Flaminij gloriam, vel cum isto Bernardini incō-
modo tanto cumulo non augere nefas putauī;
quando cum homine suauissimo, ac mitiorum
præsertim Musarum alumno redire in gratiam
non erit (vt arbitror) perdifficile. Ille quidem
tum ad suam, tum ad illorum immortalitatem
natus, quos semel suis inserendos scriptis iudica-

uit, vbi de me expostulare volet cū amicis verebi-
tur (credo) ne in hac sui nominis obscuritate quā,
tantopere amplectitur, Flaminij clarissimi Ducis,
bellicæ laudis, atque adeo Romæ ipsius obscurita-
tem amare videatur. Quod si adhuc animo erit
subinfenso, antiquo huius ciuitatis iure prouoca-
bo ad vos, quorum vt dignitati studerē: dedi ope-
ram, vt virtutes, quas honestissimo funere in Ca-
pitolio decorandas censuistis, in Illustri scriptoris
egregij monumento, posteritas, propositas habe-
ret ad imitandum. Valete.

Quod si adhuc animo erit subinfenso, antiquo huius ciuitatis iure prouocabo ad vos, quorum vt dignitati studerē: dedi operam, vt virtutes, quas honestissimo funere in Capitolio decorandas censuistis, in Illustri scriptoris egregij monumento, posteritas, propositas haberet ad imitandum. Valete.

LAVDATIO.



Mnium cuiuscumque ordinis hominum, quos è numero viuorū præclarum aliquod Reipublicæ munus obeuntes, sera, cita, mors abstulit: nemini, Quirites, neque lubentius, quàm amico: neque liberalius, quàm bellatori: neque iustius, quàm Romano grati doloris hæc acerba solaria impendi decet. Nam & eorum, quibus cum iucundissimè viximus; in egerendo desiderij mæiore sensum ipsum humanitatis, quamuis asperum, atque intractabilem, lacrimis exulcerare superstiti iucundissimum est: & iucunditatis extinctæ memoriam immortalem iusta luctuosæ beneuolentiæ significatione prosequi gloriosum. Ijs vero qui Reipublicæ causa procul ab domo bellicæ gloriæ cupiditate prouecti patriæ fructu, ciuium commodis, suorum conuictu optatissimo carere: caput obiectare periculis: vitam naturæ debitam virtuti reddere maluerunt: ecquod, obsecro, tàm infinitū gratiarum genus excogitari potest: quod aut impiè negatum velis, quibus omnia tam piè debeas: aut parcè redditum, quod satis abundè persolvere, neque pro illorum meritis, neque ex tua dignitate possis? At Romanum hominem, vt hunc Flaminium fortissimum virum, & ipsum cum primis nobile, & cum pleraque nominis nobilitate permultis, iisque honestissimis coniugiorum affinitatibus, ac propinquitatibus mixtum, in tanta rerum vrbicularum affluentia natum, atque innutritum: qui nihilo secius maiorum suorum assidua recordatione stimulatus ad omnē laudem animo capeffat: manu sustineat omnium commu-

ne pa-

ne patrociniū nationum : qui publicū humani generis Asylum, æternam hanc in principe gentium Urbē sanctitatis Arcem, & regiū Vaticanī fastigij principatū, vbi res ita postulet, interpositū corporis, atq; ancipiti sui capitis dimicatione propugnet : huius inquam pectoris Romanū hominem omnium gentium salutē natū, hunc ut ita dixerim alumnū, & custodem publicæ quietis nunquam in communi causā spiritū profunderē dubitantem, si quis ex humanis ereptū hac vestra testificatione publicæ beneuolentiæ, atque hoc ciuiliū exequiarū honore, sine magnō ingrati animi scelere, sine vera reprehensione sapientū, sine iustissimo bonorum odio, sine reliquorum hominum insanabili offensione fraudari posse dixerit : is nullum habet sensum humanitatis Quirites. Periclē scribit Tucydides Oratorem magis aliquanto sapientū litteris armatū, quam bellicæ virtutis opibus instructū Imperatorem, in eā laudatione, quam is summū Magistratū gerens ad sepulchra militū more maiorū in suburbanis Atheniensium parentalibus habuit; antequam ad causæ caput adcederet, accuratē descripsisse iustissimæ reipublicæ formā: tum fructū honestissimæ pacis: tum vberriam legum, & iustitiæ commodā commemorasse: quibus, ut erat disertissimus, luculenter explicatis; addidisse postremo militū illorum magnifica præconiā virtutis: ut diceret, quod superstites Athenienses essent: quod beati, quod florētes, quod præter cæteras gentes sapientissimi iucundissimis iustitiæ commodis in altissima pace fruerētur: illorum sine controuersia iuuenū esse certissimū, ac maximum munus, nulla vnquam ingrata posteritatis reticentiā obruendum : qui Ciuiū oriū, cruento suo negotio: patriæ salutē suā cæde texissent. Nec sanē mi-

nè minus egregiè videtur apud latinum Hòmerum
vltimus ille Romani nominis conditor:

„ *genus unde latinum*

„ *Albanique patres, atque altæ menia Romæ:*

cæsos in acie Victores honore memoriæ profecutus:

„ *Ite ait, egregias animas, quæ sanguine nobis*

„ *Hanc patriam peperere suo: decorate supremis*

„ *Muneribus.*

Meritissimo profecto. sed si nihil præterea ad supremū
istum muti cineris honorem adijcis: nisi quod potius
est, addis ad tumulū: vide ne nimis illiberaliter ijs gra-
tiam retulisse videaris: qui liberalissimè tibi victoriæ
fructum laborum suorū discrimine, dignitatem nomi-
nis vulnerum dedecore, salutis diuturnitatem imma-
turæ inortis acerbitate pepererūt. Extincto corpori se-
pulturam paras. Ergo deterioris in nobis partis orna-
menta quæris: quæ præstantior sine munere præteri-
tur. Immortalis animi natura quiddam amplius pro sua
dignitate requirere videtur ex te: quod intermori non
possit: quod observari velit. Fûneris apparatus, sepul-
turæ conditio, sepulcri constructa moles, testesq; tem-
porum litteræ sunt aliquid, non nego, Quirites. Sed nō
in isto sunt omnia. Nihil enim per Deum immortalē,
nihil illi præterea virtuti reddendum est, quæ dulcissi-
mum vitæ spiritum repræsentare reipublicæ præclarū
sibi, magnificum suis, gloriosum Patriæ, fructuosum
Ciuibus, quamuis luctuosum omnibus iudicauit? pau-
cas ne lacrimulas, quibus nihil arescit citius, ex tuis
oculis facilis illa vis vberimi sanguinis impetrabit: cu-
ius infinitum beneficiū nulla consequentis ætatis obli-
uione delebitur? Tumulo ne condes illud exanguē
corpus: cuius in aduersis vulneribus expressa monu-
menta cernis, & suæ virtutis, & dignitatis tuæ? cuius ne
cine-

cineres dumtaxat humi sepultos esse patieris: qui si diutius viuere voluisset; suauiter ipse non viueres? Quidlibet profectò congeras in supremum tãtæ virtutis ereptæ diem: Si rectè rem æstimare volueris, infinitis partibus inferius eo esse reperiēs: quod in omnem æternitatem, vt quod aptius cum sua dignitate consentiat, æterna vis illa mentis tui capitis custos, patriæ propugnatrix, æquitatis vindex, prodiga sui sanguinis iustissimè ex te reposcet. Quid igitur illud est, quod illorum vitæ breuitatè digna memoris animi responsione compensare videatur? Aliud alijs fortasse fuerit præstabilis gratiarum genus. Equidem nullum aut honorificentius memoriæ munus, aut verius gratæ voluntatis officium à viuīs exigere crediderim immortalia promerita mortuorum: præterquam si præclaras eorū virtutes animo complexus colas apud te beneuolentia, sempiterna memoriam tuorum: quo similitudinem in te præstantissimæ mentis moribus effingas: & egrègias illorum laudes cæteris ad exemplum in illustri monumento ponas. Hominis terrena pars terræ, sumtu quo decet, communi lege mandetur. Animis immortalibus immortale sepulchrum exstruendum est. id non in marmore, non in ære sumtuosius, quàm in viuorum pectoribus, animisque gratorum ciuium excidi potest. Vt quorum memoriam omnis terra complectitur: famam nulla concludit: eorum ossa certis sepulchri finibus terminentur: animi viuæ dignitas in mentibus posterorum imitatione celebretur. Hanc memoriæ vitam voco: vbi suum cuique decus posteritas rependit: quod in quoque pulcrum non celebrando magis, quam imitando. Nec serià carmina poetarum: nec honor æternus annalium verius: quam hæc impressa mentibus, expressa moribus beneuolentiæ prædicatio nominis diutur-

diuturnitatem parit. Admiratio virtutis virtutem colit. Eadem prædicatione percrebescit : æmulatione propagatur. Quippe necessitas magnum imbecillitatis humanæ patrociniū absolutam formam honestatis abiunctam à sensibus , ac tantum cogitatione depictā totam animo concoquere non potest : positam in exemplo potest. At enim cum omnes omnia fortibus debent : ij maximè debent : qui se totos ad excolendum animum in sapientiæ tranquillū otium , ac Religionis tutum negotium abdiderunt. Quippe quibus ut securitatis suæ fructus constaret : virorum videlicet fortium trepidationibus exudandum fuit . Etenim neque sedata studia sapientum inermes litteræ defendunt : ubi bella circumtonant : neque piorum ciuium sanctitas in templis tuta versatur : si patriæ muros hostium aries verberauit . Cætera meditantia pacis nihil securum tibi , nihil salutare tuis expedient : nisi præsto sint manu promptissimi Iuuenes : qui suis corporibus obiectis protegant meditantem. Instat hostis ad fines : militibus excurrendum est : castris educta pubes salutem , dignitatem , tranquillitatem tuam in manu gerens prælio cum hoste decernit : & communem causam gladio perorat . Interea loci periculi tumultus ad te nihil pertinet : armatorum excubijs egregiè circumseptus ad sapientum exedras inter otiosos otiose de quiete disputas : & de bello , si Deo placet , oscitaris sedens. Enimvero fortium ciuium ille labor : ille sudor : ille puluis : ille , ille sæuorum iuuenum sanguis , si verum fateri volumus , non hosti , sed tibi datur . Inde tuum in otio nimirum viget ingenium , magis fortasse bellatorum sudoribus , quam doctorum sermonibus irrigatum . Telorum ille volitantium fulgor aciem tuæ mentis exacuit . Illo clangore tubarum ora

Rhetorum, plecta Poetarum, voces disciplinarum sonant. Illo vecordi vociferantium militum conflictu nostra cordata socordia est. Illo, illo concurrentium impetu efferato placidæ tacitæque sapientum litteræ conquiescunt. Nisi fortè, quia nunquam in festis populationibus vastari Romanum agrum: equitumque, peditumque discursu numquam latina pessumdari prata conquesti sumus: quia dirutis Romanis arcibus omnia collucere flammis: omnia cæde misceri, publica priuata, sacra, profana promiscuo flagitio, scelere, facinore, foedari nunquam in publico, nunquam in priuato discrimine lamentati sumus: idcirco minus ad quietem domesticam litteratorum pertinuisse dicimus commune beneficium peregre laborantium bellicosorum. Nihil igitur diuina tua vis Flamini moderatissime ciuis, idemque fortissime bellator nobis eripe maturo tuæ gloriæ tempore, reipublicæ peracerbato, nihil salutare excubiæ virtutis tuæ, quam tacitè iamdudum, utcumque describit oratio mea: nihil ista longinquæ militiæ laboriosa felicitas, & quacunque gradum faceres, albis quadrigis cum virtute circumuecta victoria contulit in commune præsidium omnium, in priuatum otium, ac commodum singulorum? cum te Pio V. Pont. Max. singulari consilio, acerrimoque ingenio præditum adolescentem: & si quidem per Urbanas artes studia pacis agitare voluisses, ad omnia, summa natum, primum ad nauale certamen, quod M. Antonio Columna Pontificio Duce, cuius præstantissimi Ducis memoriam, quoad litteræ loquentur, nulla posterorum oblitterabit obliuio, feliciter certauimus ad Echinadas, abduxit à complexu Ciuium propinquorumque diuulsum? ex quo deinde certamine maximum omnis memoriæ triumphū nobilissimi Ducis

eis in Romana mænia renouato maiorum exemplo
 per omnium ordinum acclamationes, atque plausus
 inuectum, te nequaquam ignobilem in turba militem
 prosequentem occurrentium gratulatio ciuium cum
 optatissime recepisset, inque iucundissimo Patriæ gre-
 mio collocasset: hæc ipsa Romanæ Virginis hostilibus
 exuijs opulenta sedes: hæc perducta coloribus, auro,
 perlita laquearia, Victoriæque manubijs cælata tra-
 bes satis aperte testantur ingentem ducem ingentis
 certaminis præmium clarissimum triumphum: te Ty-
 ronem primi stipendij pretiū cum auctoramento vir-
 tutis infinitam auaritiam gloriæ reportasse. Ne tum
 quidem quicquam Reipublicæ profuisti, cum eadem
 inuicta virtus te iuuenem incredili nominis cupidita-
 te flagrantem; & vt arbitror ad immortalitatem ex re-
 centis victoriæ sensu triumphalis Principis laudibus,
 quasi facibus incitatum in Belgium ad diuturnum il-
 lud, atque anceps Hispanorum, atque Batauorum cō-
 mune discrimen abstraxit? Vbi Ioannis Austriaci Du-
 ctoris fortissimi, felicissimique primum auspicio; de-
 inde ductu clarissimi Principis Alexandri Farnesij,
 qui veterum Imperatorum, & nomen adeptus, & glo-
 riam assecutus maximam fortunam maiore virtute su-
 perauit: cum ipse voluntarius primo miles, mox equi-
 tum nobiliū alæ præfectus quatuordecim ipsos annos
 in illo turbine domestici tumultus, atque in illa sedi-
 tiosissimæ prouinciæ concussione posuisses: miles inui-
 ctissimos Duces habuisti semper ad prælium: quos du-
 ctor ad gloriam eras habiturus exemplum. Exinde
 cum te firmata iam ætate virum accurrentem ad pu-
 blicum incendium armorum Germaniæ, Pannoniæq.
 dissidijs excitatum, Othomannicisque victorijs latissi-
 mē diffusum, vltimis Italiæ viribus, an ruinis? restin-

guendum in mediam quasi flammam immisit formidolosissimi belli: nihil nimia ista tui sanguinis libertas reipublicæ largita est? Nihil, quod in omni genere bellorum per tot annos exercitatus obsidionalium, atque campestrium ad Germanorum fines, ad Italiæ limina Castrorum primo præfectus, Equitum deinde Magister, postremò totius Ductor exercitus, per id omne peregrinæ, ac sæpe repetitæ militiæ tempus in hostico, non in tuo Romæ caput defensione Germaniæ protexeris? nihil quod dignitatem Romani nominis amplificaueris? nihil quod latinæ virtutis memoriam diutina bellorum defuetudine languescentem apud exterarum gentes quatuor, & triginta stipendiorum exercitatione renouaris? Cum vero proximis hisce Pannonicis, Illyricis, Germanicisque motibus Romani Pontificis auctoritate munitus, & copiarum Italiæ fidissima beneuolentia septus Austriam, Istriam, Carinthiam, Croatiam, Celticam, Daciam, Mœsiam, ad Canisium, ad Comarim, ad Iauarinum, ad Istrigonium fortiter defenderes: hostium præsidia deijceres: Italiam barbaris intercluderes: belli latissimè sparsi reliquias omnibus vestigijs indagares: munitissimas arces reciperes: opulentissimas Vrbes aut propugnatas viribus obtineres: aut expugnatas victoribus aperires: libertatem in oppida: religionem in templa reduceres: nihil in commune commodum afferebas? nihil agebas? cum hostium communium impetum non Italiæ solum, aut Germaniæ, sed totius Europæ, atque adeo terrarum orbis vniuersi ceruicibus imminentem continentibus tot annorum certaminibus, quantum inte fuit sæpissimè depuleris, retardaris, oppresseris: nihil omnino reipublicæ contulisti? Ego vero Quirites non solum vestrum hunc fortissimum bellatorem nihil in

hil in commune contulisse non dico: sed etiam maximum omnium, ac fructuosissimum munus detulisse contendo. Quis enim adeo rerum omnium hebes iudex est: quin infinitam Othomannici Tiranni cupiditatem, detestandamque imperandi libidinem intelligat? cuius inhumana crudelitas, ac facinorosissima cum inexpiabili totius humani generis odio coniuncta superstizio nefarium bellū gentibus omnibus indictum: at Christianæ Reipublicæ nominatim illatum, annum iam prope millesimum cum Romanorū Imperatore Christo Regū Rege continenter gerit. An ille, qui sibi totius orbis terrarū imperiū dementissimè destinatū impudētissimè deposcit: audissimè concupitū audacissima spe deuorauit: & magna iā ex parte funestissimè decocto, quod reliquū est scelestissimo conatu funditus exhaurire non dubitat: si, quod iā nimīū diu feliciter molitur, maritima Græciæ, Terrestria Germaniæ, Pannoniæq. claustra perrumperet: hæreret in gradu scilicet? impetum sustineret? victoriæ temperaret? admissam in omne facinus, ac pronam in exitiū omnium libidinem cohiberet? felicitatis suæ fræna repræhenderet? Italiæ videlicet florentissimis oppidis parceret? integrum adhuc non tam militum virtute, quam religione populorum, ac superum excubijs Latium custoditum vellet? intactum relinqueret? imbutum semel Illyricorum cruore mucronem Romanorū iugulis nolle impressum? Has arces, hæc sanctissima templa, gentium hoc commune perfugium, hanc Arā humanæ salutis, augustissimamque cortinam veritatis: hoc religionis, Pietatis, Sapientiæ, virtutum omnium multo præclarissimum domicilium, Cælestiumque firmissimum propugnaculum inuiolatum sibi, sacrosanctum suis, religiosum nobis esse pateretur? An potius

potius (quod omen in illius teterrimæ bellæ funestissimū caput auertat Deus) id, quod insatiabiliter concupiuisset, facinorosissimèque tentasset: non idem (si quo successu sibi recludat Italiam) superstitionis suæ foedissimo cadaueri Germanorum excidijs, vastitatibus Romanorum, templorum incendijs, sacrorum cineribus, insepulta Romæ sepultura, deuoto denique bonorum omnium sanguine, atque internicione, crudelissimè parentaret? Quamobrem si hæc auditu foeda, si perpeffu aspera, si intolerabilia, deprecanda, atque execranda sunt: profecto nullam parē gratiā oratione consequi, nullum cogitatione complecti possumus tam eximium ac tam singulare monumenti genus: quod Flaminio fortissimo viro, Reique Christianorum publicæ cupidissimo debitum esse fateamur: qui ne quid tale pateremur aliquando, quoad vixit, terra, marique pro virili parte contendit. Diuina verò sunt, præstantissima sunt Qurites: nec Romana magis, quàm humana dicenda sunt, hoc est cum totius hominum generis societate coniuncta: quæ bella pro gentium omnium salute contra gentium omnium parricidam: pro rerum omnium statu contra nefarium rerum omnium euerforem: pro sacrosanctâ Regij Sacerdotij dignitate contra scelestissimum carnificem Regum, Prædonemque Regnorum à Flaminio suscepta, semper, & bellata sunt. Vbi cum perfidia fides, cum superstitione Religio, cum scelere Pietas, cum libidine continentia, cum auaritia liberalitas, cum temeritate constantia, bona spes cum omnium bonorum desperatione dimicat. Vbi denique Veritas, Sapientia, Iustitia, sanctitas, honestas, fortitudo, virtutes omnes cum vitijs omnibus, cum audacia, cum turpitudine, cum prauitate, cum iniquitate, cum dementia, cum
vanitate

vanitate disceptant. Ac, si nullis secundæ fortunæ blandimentis inuitatus, nullis patriæ delinitus illecebris; si suscepto magno aliquo rei familiaris, aut existimationis incommodo principum gratia, commendatione nobilitatis exutus: si nudus ab amicis: inops à propinquis: desertus ab omnibus Flaminius sic fuisset: vt quoniam suffragatione generis, & virtutis ad amplissimos honores eniti non posset more maiorum suorum: nec in medio saltem populo concessis diuitum voluptatibus cum otij dignitate frueretur: animum inducere necessario debuerit ad exiguum tempus peregrinari procul: sub pellibus esse: terroribus bellorum vires corporis, animique deterere: ærumnosam ætatem aspero vitæ cultu duriter exigere sub armis: de corpore, de capite quotidie dimicare: quo suo periculo suis ciuibus optata pax, ac tranquilla libertas cum honestate contingeret: numquid esset causæ, cur pro breuissimo compendio laborum tantorum apud gratissimos ciues, omnia, quæ numerantur amplissima, tam magnificæ despicientiæ ciuiliū commodorum exstare monumenta nollemus? Nunc vero cum magnis fortunæ præmijs refertissimus, naturæ maioribus præfidijs subornatus & potentium amicitijs maximè floret: & pleramq. nobilitatem omnium nominum, quæ coniunctissima putantur, cognationum; affinitatum, amicitiarum caritate sic amplexus esset: vt in perampla re domestica, in clarissima Romæ luce versari: premere vestigia maiorum: in antiqua possessione bene collocatæ laudis hære cum dignitate posset: merita profecto, sicut decet, haud æstimet, qui conseruandæ reipublicæ studiosissimum hunc virum immortalibus honoribus afficiendum neget: cuius omne curriculum ætatis, ac virtutis elaboratum est in ærumnosissima

defen-

defensione publicæ quietis: in trepidationibus bellorum: in certaminum discriminibus: in peregrinationibus longinquis: in asperitate vitæ. Vos, vos appello Quirites, vos laboriosissimi bellatoris huius affines, cognatique clarissimi. Vos Delphini, qui Flaminio dedistis paternum genus: Vos Micinelli, qui maternum. Vos Rodulphi, qui peruetustam Delphinorum nobilitatem cum antiquissimo vestri generis (splendore geminastis: cum Flaminium vobis generum, & Delphinorum necessitudinem optauistis: Vos Lancellotti: Vos Celsi: Vos Alterij: Vos Victorij: Vos Maximi claritudine generis, nominis amplitudine, celebritate famæ, virtutis existimatione summam apud Ciues, summam apud Principes gratiam consecuti: quorum in singulis familijs singulæ Flaminij sorores lectissimæ foeminæ honestissimum in Matrimonium collocatæ satis magna videbantur inuitamenta naturæ, quò iucundissima vestram consuetudine Flaminius vobis lucrocarius nullo puncto temporis careret: nisi virtutis hortamenta maiora fuissent: omni propemodum spatio temporis, vt careret. Nam quæ vis alia, quæso vos nisi publicæ rei tuendæ studium incredibile Flaminium inflammauerit: vt desperatis, vel non expectatis potius, & neglectis, certè non magnopere concupitis hominum urbanorum suauitatibus, emolumentis, ornamētisque pacis animum ad tumultus, ad cædes, ad arma conuerteret? offensiones erant domesticæ? at vobiscū coniunctissimè vivebat. Aequalium ciuium obtreactiones? at in oculis ferebatur, in omnium animis habitabat. Rei familiaris angustia? at abundabat. Patrimonium, quamuis amplis sororum nuptialibus, ac spensalibus instrumentis, tamque multis dotalibus decessionibus imminutum: diligentia tamen, & frugalita-

galitate Marij Delphinij Patris honestissimi viri egregie constitutum in soli rebus, ac fundi: collocupletatum vestigabilibus prædiorum: stabilitum in pascuis, atque cultis: in pecuniæ nominibus, ac Syngraphis collocatum: in optima fide compositum socialium rationū ad lautitiarum elegantiam, & si voluisset, ad luxum, atque ad vrbana vitæ splendorem, certissimum, ac fructuosissimum erat. An iuuenilis eum ardor impulerit, & quædam exultantis audaciæ inconsiderata temeritas? quid illius quæso consilio grauitate, morumque temperatione constantius, & moderatius fuit: an intractabilis animus, atque horrida quædam uis, immanis, agrestisque naturæ? nihil illius ingenio commodius: nihil facilitate tractabilius: nihil ea lenitate iucundius, aut elegantius habebatur. Fortasse libido fuit cædis, ac sanguinis. Humanissimus erat. Fortasse prædæ cupiditas, & rapinæ fuit. Immo de tot victorijs præter honestas vulnerum cicatrices domum reportauit nihil. Contra vero quid iucunditatis habeat natale solum Quirites: quid Romani cæli spiritus animalis: quid augustissima species huius Urbis: in qua cum optimo cuique nō Ciuū solum, sed etiam externorum: tum omnibus eius ordinis hominibus aditus ad omnem laudem, vitæque honestatem patuit semper amplissimus: quid vestra grauiras, atque costantia: quid incredibilis humanitas: quid dignitas, & elegantia grauissimæ disciplinæ: quid Christianæ rei splendor, amplitudoque sacrorum: quid Pietas, Religio, Sanctitas, quæ apud alios diuerforium, apud vos domicilium collocauit: quid vniuerso terrarū orbi religiosissima limina tēplorū: quid ædium sacrarum elegantissimæ descriptiones, sumtuosissimæque moles: quid vetustissima, atque ipsi

C

prope-

propemodum exordijs nascentis Ecclesiæ, augustissimorum æqualia propylæa tectorum: quid intimæ Cælestium sedes, adytique penetrales: quid arcanus sanctissimi Numinis afflatus, ac tacitus ille beatorum sensus animorum, quem è vestibulis templorum: quem è penetralibus sacrarum ædium: quem è sanctorum tumultis, ac cauernis: quem ex ipsius vrbis venis, vt ita dicam ac prope visceribus haurimus: diuorum quæ memoria consecrata: quæ sepulchris auctæ: qua sanguine respersæ: qua cineribus animata. Vno verbo Roma magistra gentium, Parens, & sacrarium virtutum; quid dignitatis, & iucunditatis habeat, ne videar auribus seruire, non dico: tantum id affirmo: nisi ferreus plane sit: nisi penitus omnem sensum humanitatis amiserit: maiore, quam vñitata, atque humana virtute corroboratum animum habeat necesse est: quem tot, tantarumque rerum vsura, tam casta, tam suavis, tam fructuosa, tam facilis, tamque expedita non tangat. Equidem mihi Flaminij vocem audire videor præ Reipublicæ dignitate iucunda Patriæ commoda pro nihilo ducentis: ac fortiter in castra properantis: sibi voluptates, & opes: sibi honores, ac magistratus habeant Ciues mei: sint, vt par est optimos esse, beatissimi, sint florentes. In sanctissimo carissimæ patriæ complexu, in placidissimo pacis otio consenescant. E quidem ex uberrimis liberalissimæ Patriæ promissis solâ mihi iustissimæ libertatis, & tranquillitatis eius laboriosam defensionem depono, Abibo: peregrè militabo: mecum ex amplissimis eius bonis militare viaticum & castrense stipendium imaginem optimæ Parentis efferam animo insculptam meo: tum labores, sudores, ærumnas, studio salutis eius ac nominis exanthlandos. Ex auito patrimonio
memo-

memoriam auorum: è victrice quondam gentium, ac
 Regnatrice terrarum Vrbe, priscæ virtutis æmulatio-
 nem piam: è Magistra cælestis sapientiæ ciuitate, cau-
 sam pulcherrimæ veritatis: è nationum omnium san-
 ctissima Parente, fortem ac constantem pietatem effe-
 ram. Ister, & Albis, & Rhenus iam mihi nomina,
 pulchra sunt. Fluat alueo suo Tyberis meus superis
 gratissimus amnis, nullis meorum Ciuium cadaue-
 ribus inquinatus. Stet Capitolium fulgens: imperet
 nationibus pietate latius, quam olim armis, æterna
 Veritatis sede fundatum Vaticanæ Sacerdotij culmen.
 Mihi, si pius esse velim, si fortis, si vere Romanus,
 quamuis ærumnosa, voluptati decorique sit iusta,
 tantarum rerum, ac longinqua defensio. Est mihi
 tanti vortices Danubij vel meo sanguine decolores: &
 interfectorum cruore tabentes niues: & astrictas æter-
 no Borealis verticis rigore glacies pugnantium anhe-
 litu, sudore cædentium, cælorum tabo, ac sanie resolu-
 tas cum temperatione mitissimi cœli, cum amani-
 tate Latij, cum aspectu pulcherrimæ Urbis, cum opti-
 morum Ciuium vrbani- tate mutare. Illa me commu-
 nis exitij pestis è Thracijs egressa gurgustijs vocat. Il-
 lam, illam ad Illyricos fines proximè sonantem, ac
 manantem quotidie latius: illam omnia funestissime
 depascentem, & luctuosissima conflagratione Regno-
 rum, humana, diuina pariter inuoluentem flammam,
 antequam ex illis angustijs huc erumpat, quoad vnus
 animæ profusio valebit, nisi viribus opprimam, cada-
 uere retardabo. Me viuo, si se reipublicæ moderatores
 audient: si se Cæsares, Reges, Pontifices excitabunt:
 hostes diffident sibi: nec vnquam ad hanc sanctitatis
 arcem dementissimæ superstitionis aspirabit furor. Vt
 hæc nostra salua sint: illic apud exteros sudandum est:

Hæc intima terrarum prædia nequaquam obtinebimus: nisi nobis illa Pannonum, illa Cætarum extrema limina siue viuis, siue mortuis obtinentur. E Germaniæ propugnaculis: ex aggeribus Pannoniæ Capitolium ac Vaticanum, diuinissima mihi nomina, nisi victoria, certe sanguine tutabor. O mihi præclaram mortem, quæ naturæ necessitati, totquæ rerum humanarum casibus imminetibus, ac repentinis debita, gentium omnium parenti potissimum, & Veritati soluitur. Hic sensus: hoc institutum: hæc Flaminij vita, fuit: à suis abesse longè, quò prodesset omnibus: oculorum desiderium animi pietate, gloriæ cupidinem laborum tolerantia lenire: patriæ, cuius aspectum oculi concupiscerent, dignitatem tueri manu. Verum hæc quamuis præclara, quia remota quorundam animos admiratione non tangunt, propiora fortasse tangunt: externa mittantur, ad nostra veniamus. Cedo quid tantum oportunitatis percipi potest è naualibus, maritimisque rebus; quod in Flaminio Pontificiæ classis præfecto, militarium rerum terrestrium atque naualium prudentissimo, iure desideretur? Ille quidem, quod se non idem opere pretium facere maritimis periculis intelligeret, quod terrestribus certaminibus fecisset: vt erat facetissimus iocis irridere solebat præfecturam suam: cum sè modo salsum ex insulso prætorem esse factum: modo fortunatissimum esse se, cui ne si velit quidè, deesse possit rudentibus apta fortuna: modo terrenum se non Tyrrenum Delphinum diceret: cum tamen Tyrreni maris Romana littora tanto consilio, ac vigilantia tutaretur: ea celeritate præteruehi, quocunque piratarum suspicio vocasset, ea contentione remorum, atque ventorum aduolare crederetur: vt nullum prædatorium nauigium ad Tarra-

cinen-

cinenſium, & Antiatum: fines nullum ad Falerias; & Pontinas: nullum ad Veliternas, & Tiberinas: nullum ad Portuenſes, & Veientanas oras appulſum audierimus aliquando, quin conſeſſum Flaminij virtute repulſum, depreſſumue ſit. Itaque per totum id Flaminianæ Præfecturæ tempus, ſida cuſtodia citiſſimæ claſſis oportunis locis vridique deſenſis: & Populi Romani maritimis illis horreis egregiè munitis: tutus ab infeſtis prædonum exſcenſionibus apertis & clandeſtinis, nullum in frugibus, nullum in pecore, nullum in hominibus detrimentum Anagninus, Veſentinus, Coriolanus, Oſtienſis, Veientanus ager accepit. Age quantum & illud publicum beneficium eſt? quam ipſo genere magnum? quam numero varium? quam ſpecie præclarum? quam commemoratione iucundum? quam experientia formidoloſum? cum enim Innocentio Nono, Gregorio XI V. Sixto V. Pontificibus maximis, quos honeſtiſſimè nominatos volo, tam proiccta, atque audax vbique gladiorum licentia graſſaretur: vt infeſta ſicariorum impunitate nihil neque cultum, neque frugiferum in agris: nihil in horreis congeſtum: nihil in oppidis munitum: nihil expoſitum in Emporijs: nihil in Portorijs ſepoſitum: nihil pudicum in gynecæis: nihil ſanctum in templis; aut arcanum eſſe pateretur: cumque, qui tam multis, tamque latè peruagatis mederetur incommodis, haud ſane facilè quemquam optimi parentes, ſapientiſſimique Pontifices reperirent: Vnus, vnus Flaminius inuentus, ac delectus eſt: cuius integerrimæ fidei, diligentia, conſtantia, celeritati, tantum munus impoſitum, ac demandatum potiſſimum vellent. Itaque cum imperio, ac poteſtate Flaminius in prouinciam primoquoque tempore proſeſſus quantum Pō-

tificia

tificiæ ditionis à supero protenditur ad inferum mare, cum expedita manu iuuenum impigerrimorum incredibiliceleritate peragrauit. Peragrauit autem & immo custodiuit. Custodiuit dico immo seruauit. Tres illas per omnem Italiæ longitudinem, latitudinemque constratas, atque illustres vias, ante vltro, citroque commeantium frequentia nobiles, tunc latronum cædibus infames: à supero mari Flaminiam, Aureliam ab infero, Mediam Cassiam, passim nequaquam leuibus pugnis cum sicariorum agmine commissis, infesto latrocinio liberauit. Foroliuiensibus, Rauennatibus; Ariminensibus oppressa grassatorum manu non modo præsens periculum cladis, sed etiam futuræ suspicionis omnem ademit metum. Picenum agrum, vnum ex omnibus maximè frugiferum, & quæstuosum, creberrimisque oppidis, ac vicis notatum, atque distinctum, quem non ex insidijs pannosi pauci furunculi: sed luce palàm innumerabilium exulum factiosi principes populabundi percurrerent, diuexarent, diriperent, inflammarent; hostibus, ac perduellibus ad vnum occisione occisis, aut expulsis, incolumem aratoribus ad sementem, immunem ciuibus ad messem, reddidit. continuo Camertes, Perusinos, Asinates, Spoletinos, Tudertes, Nucerinos, Narnienses, Interamnates, Hortinos, Oriculanos, Amerinos, Faliscos, Veientanos circumlato victoriæ terrore lustrauit. Roatinis, ac Nursinis præsto fuit. Sabinos, & Nomentanos, & Roscios à prædis, à flammis, à cæde defendit. Crustuminis, Aequicolis, Ceninensibus, Iuburtinis, Lauicanis, Hernicis, Volscis, Priuernatibus, Vestinis agros à populationibus, à direptionibus oppida conseruauit. Obruncatis latronum ducibus, aut eiectis; agmine conciso, & dissipato campis fertilitatem frugum, oppi-

oppidis vilitatem annonæ; Romæ securitatē Ciuium, tranquillitatemque restituit. Proh Deum immortalem! tam singularem tantæ virtutis felicitatem, tam incredibilem animi magnitudinem, tantam diligentia celeritatem, adeo omnium commodis expositam, paratam, oportunitatem integritatem ac fidem: non insatiabiliter amplexaretur in viuo: non exquisitis honoribus in mortuo Roma decoraret? Maxima quidem hæc, & maximarum beneficia sunt virtutum Quirites: quæ tacitis vniuscuiusque vestrum inclusa pectoribus: & passim omnium Ciuium, externorumque iam peruulgata sermonibus, nullam ad notitiam vestram, nullam ad opinionem ceterorum, nullam ad memoriæ famam, expectare videntur commendationem orationis meæ. Atqui, cum hæc ipsa, quæ Flaminius pro Romani nominis dignitate sapienter, fortiter feliciterque gessit armatus: commemoranda maximè iudico: tum illa, quæ tacitus in fructu certaminum suorum, hoc est, in patriæ quiete gessit tradenda posteris, proponenda iuuenibus ad exemplum puto. Scitè Poetarum princeps in Achillis clypeo argumenta certaminum, emolumenta pacis, Religionis ornamenta cælasse visus est, artificio, quo solet ignobilium Deorum: sic tamen ut planè quid a ductore militum requirat, intelligat. Nefas quippe putabat militare Ducem valere corporis viribus, animi virtutibus non valere. Quem Philosophorum Homerus imitatus Plato palæstræ certamina concentu Musicæ temperabat. Hoc est, ad militaris disciplinæ ferociam à morum mansuetudine temperantiam adiungebat. Barbarum est, semper sitire sanguinem. Inhumanum oculos cædibus pascere. Bellum discordantium hominum feritas, pacem naturæ suavitatis humanitas. Igitur in acerrimo hoc bellatore multæ

multæ erant, vt in homine semper armato litteræ:
 multi sales: multæ suauitates. Recordari potestis in-
 genium illius acre, sed in loco: vehemens: sed com-
 positum: docile, come, sedatum, iucundum, horarum
 omnium. Nec ea tantum militiæ decora putabat;
 Equum flectere: tela spargere: castris habendis opta-
 re campum: locorum distantiam oculorum dimensio-
 ne finire: vallum iacere scienter: ad certum ictum de-
 stinato librare tormenta: oportune vineas agere: pu-
 bem in aciem educere: instructa iam acie sub signis
 habere paratum militem: ordines distributo commit-
 tere: cæsim, punctim, ferire: gladijs cominus, eminus
 iaculis rem gerere: producere, collatare, procurrere,
 subsistere, circuire, resistere, instare, dissimulare, mu-
 tare in cornu pugnam: demum laceessere, fundere, vincere:
 non hæc inquam tantum decora militi putabat: sed
 illa multo magis, ex quibus videlicet, tamquam ex
 vberibus seminibus hæc ipsa militaris virtutis insignia
 in Flaminio feliciter extiterunt. Quantum enim va-
 cui temporis à belli necessitatibus superaret: id non
 in alea, non in uino, non in circulis effluere temere si-
 nebat: ad animi cultum, ad studium pietatis, ad con-
 siliorum arcana reuocabat. Hic secum in litteris esse:
 repetere memoriam temporum: nobilissimorum du-
 cum exemplis instruere pectus; quod animum, iræ-
 que tacitæ plenum omnem exinde ferociam in discri-
 mina præliorum differre posset: fortissimum in acie
 futurum ratus, qui esset ante aciem modestissimus.
 Viros militiæ natos; quales esse Romanos decet, fa-
 ctis magnos ad certamina verborum rudes vires cor-
 poris ad animi virtutem, animi vires ad contentionem
 corporis euocare. Nec primis duntaxat labris, ut fer-
 mē sit, prima litterarum elementa gustauerat: sed om-
 nibus

nibus imbutus artibus , quibus tenera nobilium ætas ad omnem honestatem informari solet : quæ facile percepisset adolescens , iucundissimè recolebat senex. Quicquid à Mathematicis oportunè caderet in rem suam , habebat in numeratò : satis gnarus plus Archimedis artificium profuisse , quam M. Marcelli victoriam obfuisse Syracusis. Phocionem , & Themistoclem legerat : Meltiadem , & Epaminondam acceperat : Pyrrum , Alexandrū , Agésilæum , Polopemenem norat à Mathematicorum radio , atque pulvere profectos in castra magnam sibi gloriam rei militaris scientiâ comparauisse. Iam è Physicis , è Poetarum carminibus , è laudationibus Rethorum , ex Historiæ monumentis quicquid hausisset , (quid autem ille non hauferat ?) vsurpabat in loco. Quæ temperandis moribus Ethice præcepta tradit : quod moderandis ciuitatibus frugiferum in Politicis esse didicisset : id consilij destinatum , temporibus diuisum , moribus expressum in vtriusque fortunæ tempus , in vitæ consuetudinem , vsunque referebat . Parabili cibatu , quem fortuito miles occupasset , constare militiam dicebat : nec audebat vituperare Grammaticos , qui Maronis Aeneam reprehenderent : quod is militaribus epulis in deserto littore præter assam ferinam , obsonasset aliter famem & aqua feruenti subacta quædam alia condimenta quæsisset . Quod in eo genere sequeretur , acceperat ex Homero puer . Igitur adolescentulus ante Naupactæam victoriam nisi iussus à Parentibus ad cibarium panem nihil addebat . Prælusionem militiæ cogitabat : & Castrensem disciplinam asperi victus illa quasi velitatione iam tum informabat domi . Quo facto duplex interim operæ pretium habebat : nam & vim mentis ad pudicam animi firmitatem illa siccitate

D

corpo.



corporis : & iuventam ad duritiæ militaris experiē-
 tiam obdurabat. Qualem autem in somno probum
 militem vellet expreſſerat apud eundem poetam ex
 Diomede duodecim annorum puer . Quoties illum
 intempeſtæ ſilentio noctis id ætatulæ puerum clam
 parentibus è Lectulo delapſum , humi ſtrato tapete
 cubantem , galea , propulvillo ſubiecta ceruici , ſerò
 tandem inuitus occupabat ſopor ? Quoties Proper-
 tia mater honeſtiſſima fœmina filium ſic repertum
 pro imperio redire cogeſcit ad culcitram ? cui tamen
 acrior fuit gloriæ morſus , quam imperij materni me-
 tus . Igitur idem pueritiæ inſtitutum illi manſit in
 omni vita . Somni modicus , gloriæ nimius ad mul-
 tam noctem vigilabat : in in lucubrationibus , in com-
 mentationibus erat : operi diurno conſilia noctis ad-
 debat . Fugam ſolis ingenij lumine , ſomni tempora
 vigiliarum prorogatione carpebat , quatuor ad ſum-
 mum horarum , eaque leuiſſima quiete contentus .
 Credo dictum illi M. Catonis ſapientis hæſerat ; quod
 etiam video placuiſſe grauiſſimis Chriſtianæ diſcipli-
 næ viris : negantis eum in virum magnum euafurum ,
 ac reipublicæ ſalutarem : qui cogitationes animi ſom-
 niculoſo ſilentio ſepultas , ac languore perpetuæ no-
 ctis obrutas nunquam ante diluculum excitaret . Ita-
 que ſemiſomnos illos , ac ſemiuiuos appellabat , quibus
 ſolemnis mos eſſet ex æquo diſtribuere vitæ alteram
 partem diurno labori , quieti nocturnæ alteram . Iam
 in ſermone diligentia quædam erat indiligens : facilis
 explicatio : ſedata , liberalis , integra , Rethorum in-
 corrupta delicijs : ſuo quodam , ac natiuo lepore dul-
 cis : nulla tumens volubilitate numerorum : non ex-
 quiſitis adſtriſta verbis : pondere ſententiarum gra-
 uis : horridior cum venuſtate : non ſuis vana laudibus ,

non

non crimine alieno læta: non in ancipitem intellectu-
 ctum, ambiguis suspensa sententijs: qui nihil præter
 turpitudinem timeret: aut cuperet, præter honesta-
 tem cur simularet, aut dissimularet, causæ nihil erat.
 Militarem animū oratio militariter animosa decebat:
 qualem in Principe laudabat Socrates: in Cyro de-
 scripsit Xenophon. Acquitatis idem, si quis alius, &
 veritatis apprime tenax. Argumentum id esse ma-
 gnæ mentis, & heroicæ libertatis indicium docuit
 Aristoteles. Seruilis ingenij mendacium in obnoxiijs
 animis oriri facillimè: corruptum libidinibus animum,
 & admirationē deprauatum inanum rerum extra ra-
 tionis imperiū, vagum primo deserturam veritatē sen-
 tentiam deinde consiliorum constantiā, tum integrita-
 tē morum, postremo dictorum fidem. Religionem au-
 tem in Deum singularem, pietatem in suos; comita-
 tem in Ciues, humanitatem in hospites, liberalitatem
 in egenos, clementiam in supplices, mansuetudinem,
 facilitatē, lenitatem in omnes, in promissis constantiā,
 in rebus contractis fidē, in contrahendis diligentiam ad-
 hibebat tantam; quantam in Milite non requireres: in
 Duce vix inuenires: in sapiente suspiceres. Iam vero si
 Flaminij quoq. formā oris posteris nosse curæ erit; sta-
 tu sublimis, ac rebus haud supra communē magnitudi-
 nis modū ad auctoritatem imperij compositus, & apta
 descriptione membrorū, & firmitate laterum scitissimè
 cōpactus, ac strenue cohærens sibi præstantiā animi fi-
 gura corporis exprimebat. Quippe robusti corporis ho-
 nestæ species, ac liberalis incessus vultu, gestu, cate-
 roque figuræ ductu leuitatem omnem à se reiecerat
 muliebris elegantia latissimo thorace pectus animæ
 magnæ plenissimum. Elata ceruix, humerorum tra-
 ctus æqualis, consentientesque lacertorum thori, spe-

etabilem viri dignitatem venerationi dabant. Item
 oris iucundus color subbrutilo sanguinis flore suffusus.
 Oblonga facies, nec exhausta. Lata frons, & explicata:
 supercilij leuiter ductis, ac penicillo quasi descri-
 ptis. Oculorū grandes orbis, perspicuè subnigri, pene
 subcæsi: letum lumen: coniectus acer: in tranqui-
 lo festiuus: si quando seueritatis aciem exēruisset,
 terrore formidabilis, plurimum lenitatem, clementiā,
 beneuolentiam promittebat. Caterum ornatus haud
 abhorrens à populari. Capillus strictim, ac per pecti-
 nem æqualiter attonsus, productiore barba, vberi-
 crine, colore subfusco. Prorsus vt ex habitu, cultuque
 corpōris, qui tacitus est index animorum sedatum vi-
 rum facile crederes; fortem facilius diceres. Adeo di-
 gnitas oris famam virtutis impleuerat. Idem deuini-
 ciendis animis suprā quam credi potest, naturæ quo-
 dam artificio factus, ingenij liberalitate, comitate ser-
 monis vltro studijs adcedentium oportunus. Vidisses:
 amasses: audisses: blandè suadentem optime sentire
 dixisses. Quos verò semel ad eius notitiam naturā vir-
 tuti quodāmodo lenocinata pertraxerat: eosdē in ami-
 citiæ fide, virtus naturæ sublandita retinebat. Nun-
 quam ille familiaritates forensibus officijs copulatas
 domestica morum consuetudine diremit. Exterior
 ad eius gratiam aditus iucundior: interior grauior ha-
 bebatur. Contra quam in Alcibiadis ludo legimus, il-
 li fides non vestibulum augustius, quam conclauē
 sacrauerat. Intima sententiarum, arcana morum opi-
 nioni consentiebant: constantiæ, fidei, veritatis erant.
 Itaque nulli familiarium reconciliatus est: neminem
 ex amicis læsit vnquam: læsus omnem statim offensæ
 memoriam obliuione contriuit. Ac nequando gra-
 tia recolligenda foret, cautum illi, prouisumque
 erat

erat. Ducebatur ratio dignitatum: temporum discrimina notabantur: honor auribus: honor oculis habebatur: quod offensiones amicorum vitari facilius diceret, quam sanari. Quo fiebat, vt ex ijs, quos dilegisset à se neminem dimitteret: & in amicitia, quod pro uerbio fertur, calculum reduceret nunquam. Et ille quidem optimos sibi semper adiungere studebat: si quem autem parum idoneum reperisset: eum paulatim vsu familiaritatis ad suum sensum, hoc est, ad exemplum bonorum formabat sibi: tanta verò fuit erga propinquos indulgentiæ caritate. Tanta suauitatemorum: vt cū omnibus æque carus, ac iucundus esset: omniumque ipse consuetudine iucundissimè frueretur: mirum videri debeat illum eorum conuictu, quo tantopere delectaretur, tamdiu carere potuisse. Nimirum domesticum desiderium patriæ caritate vicerat: non ignarus incolumitate reipublicæ necessitudinum omnium priuata nomina contineri. Ex illustri verò nobilitate factionum principes adolescens ante Nau-pacti discrimen coluit nobilissimos, obseruauit maximè bellicosos. Nec, vt adsolet, temere cum pacis seductus in partes: sed vnus æquè diuisus in omnes considerata singulis libera salutationum, ac deductionum tempora deferebat, sic, rerum, vt militarium vsum ex ijs ipse reposceret. Ita cum vnicuique diligentiam redderet: innocentiam ex omnibus vindicabat, ac se reseruabat sibi sacrorum quoque præsulum obseruantia deditus vrbana togatæ seruitutis officia non indiligenter, & moderatione quadam obibat: magis adeò non vt omitteret: quam vt anxie non omisisse videretur: cum & meliorum reuerentiam nullis adulationibus contaminaret: & ad potentiorum limina, quod difficillimum est, obsequentem veritatem adduceret;

nec

nec exueret libertatem. Nihil illi quaestuosum: nihil præter honestatem admirandum. Nec ambitio falsum illum fieri subegit: magisque vultum, ut ille ait, quam animum bonum habere. Satis illi magnum meritum stipendium erat: si cum principibus diligentem operam dependisset: ipse fidem in conscientiam reciperet à se nullam officij partem fuisse præteritam. Auream illam vestri Demosthenis vocem animo combiberat: conscientiam virtuti satis amplum Theatrum esse: gratuitamque probitatem omni mercede potiorum. Sunt, qui militaribus ingenijs ferociæ plurimum, moderationis minimum inesse credant. Opinioni plerumque non incredibili locum gregalium militum intemperans consuetudo dedit. In Flaminio discreta iudicijs, consulta sententijs, finita temporibus hæc erant. In conflictu ferociam, in victoria modestiam usurpabat: in cognoscendo diligentiam: in deliberando consilium: constantiam in agendo. Vultus in aduersis rebus idem, non secus atque in secundis. Eadem consuetudo rerum: animi tenor idem; ac perpetuus ordo vitæ. Curarum tantummodo vices, remissionumque diuise. Militum conuentibus, & litibus astimandis grauitatem, intencionem, seueritatem, sæpius misericordiam commodabat. Ut officio satisfecisset, posita potestatis persona comitatē, modestiā facilitatemque repetebat. Hæc indita naturæ bona: superiora necessitas temporum circumdederat. Nec illi, quod vsu rarissimum, aut auctoritatem clementia deminuit: aut clementiam decerpfit auctoritas. Pecuniam, quam nemo sapiens concupiuerit, ambiguum an aspernaretur fastidiosius: an magnificentius erogaret. Iam fidem maritalis thori nunquam temeratam: certos è casto coniugio liberos: animum pudoris custodia seprum:

prum : arête contentam , constrictamque licentiam voluptatum : sensus denique libidinum nuncios libere vagari nunquam permissum referre : alijs in medio vulgaris honestatis officio magnum : in tanto viro cæterarum fuerit iniuria virtutum . Vrinam , quàm ille cæteras animi labes , tam iracundiam habuisset in potestate : virū omnibus laudibus cumulatissimū haberemus . Eius tamē improuisum impetu nō non inexorabilis placabilitas mollebat . Et quoniam subito erumpentem anteuenire consilio non poterat : quàm citissima poenitentia reuocatum intra præscriptum redire cogebat . Ignoscendum & hunc dices , si cogitaueris hunc ipsum multis , atque præstantibus uiris communē cū Flaminio fuisse nobilissimosq. Philosophos , inque ijs Aristotelem Philosophorum facilè principem in heroicis laudibus iracundiam inter virtutis instrumenta numerantem . Scio non nullis Flaminij suauissimum ingenium attentius considerantibus mirum videri : qui fieri potuerit , vt tantus in eo , tamque pertinax impetus gloriæ militaris exarferit : hoc præsertim statu rerum , quo Roma Christi virtute felix , & diuturno silentio bellorum desueta maiorum triumphis se se per tot annos in Italiæ tranquillitate composuit . Quid nisi quoniam huc eum temporum disciplina non impulit , natura deduxit ? Enim vero quod in Dorientes à Polycrate iocosè dictum accepimus : idem in Romanos homines non absurdè conferri potest , vt enim Dorios , à quibus canendi Doricum artificium , & repertum , & nominatum est : Polycrates dicere solebat : omnes quidem nasci muscos : nisi quid eorum obstrepat auribus , vt naturæ vocem , ac se potissimum ipsi exaudire non possint : itidem Romanum propagatione generis bonum militiæ gigni dici-

dicimus, nisi suapte sponte sic futurus alienis protinus artibus occupetur: ut naturæ disciplina reclamet. Vel quod is est Latini Cæli tractus, & plaga mundi: ea Romæ positio, atque sedes: cæteraque naturalium necessitudo caussarum, unde genialis ducitur origo vitæ: ut vitalem ex ijs spiritum haurientibus, illiusce-modi vim sanguinis, ac pabulum animale sortitis indita simul semina præstantis animi flammam laudis autè corripiant, facillimèque excitentur ad æmulationem operum, & ad speciem gloriosi laboris: vel quod ab incunabilis Urbis, satus, atque ortus gentis ex parte Martius est paternus: ex parte durum à stirpe Lacedemoniorum, ac Sabinorum maternum genus, ijs conubijs Albanorum sanguine permixtum proditur: quibus sponsalia rapinæ dederint: nuptialia tumultus: generos iniuria: vindicta foceros: procreationem arma: victoriæ fœdus: æternitatem ex ijsdem initijs continens diuturna cum strage regnorum vsurpata felicitas. Huc adcedit temporum testis, & nuncia vetustatis historia Romanorum ad multo maximam partem memoriæ consulens. tum carmina nobilium Poetarum de Quirini populi triumphis decantata Vulgò. tum cætera litterarum immortalia monumenta maiorum vestrorum inscripta victorijs. Hoc quoque pristinæ gloriæ bustum: hic vetustatis nondum evanescantis aspectus: hæc in disiectis male sibi superstitis antiquæ famæ reliquijs sepulcralis imago magnis veterum nominibus, ac trophœis insignita, passim nonnullum ad imitationem generis in magnis ingenijs momentum habet. Nec sanè paruum esse dixerim, quicquid illud demum est, quod è parietinis hisce prioris Urbis intermortuæ cicatricibus, atque ex hoc semisepulto Romæ cadauere generosum

rosum quiddam, & quasi bellicum spirat. Quamuis enim in alto pulvere victoriarum illa latè resonans flamma confederit: victorum tamen memoria suorum funere triumphorum conteſta, nec dum extincta, ſi paululum agitetur intermicat; ac quodam quaſi vapore fugientis gloriæ recaleſcit cinis. Vt quo te cunque conuerteris, ex hiſce monumentis præclara rerum memorabilium oculis obieſta ſpecies, obuerſetur animis: quæ te quotidie maiorum tuorum propemodum vocibus appellet: ac velut ardentibus tædis, & dormiſcentem excitet, nec patiatur conſiſtere vigilantem. Hæc omnibus vulgo propoſita tantam in quoque viam habent ad ſtudium armorum: quantum iſ a cæteris curis vacuus imperum naturæ ſequi poteſt: vt poſteriorum conſilium maiorum ingenio ne repugnet. Flaminium quidem vt demonſtrauimus, integrum adhuc adoleſcentulum, nulliſque rerum alienarum occupationibus impeditum, eundemque magnis corporis, maioribus animi viribus præditum, & quod caput eſt, domi pudice ſemper à Parentibus educatum ac liberaliter habitum: vel ex ipſo litterario ludo pugnas, & caſtra meditantem; ea, præter hæc incitamenta priſcæ virtutis, exceperat ætas: quæ memoriæ noſtræ proxima Gallorum Hiſpanorumque certamina ſuper imperio conſequuta non paucis tum abundabat virorum fortium vel opibus vel exemplis. Hærebant in oculis illa præclara Romani nominis lumina, quæ ne nūc quidē poſt occaſum illuſtrare poſteros deſierunt: M. Antonius Columna, Octavius Pater, Alexander filius Farneſij: Paulus Vrfinus, Sforzia ſanctæ Floræ fortiſſimi Principes, antiquitate generis, rerum geſtarum fama veterum cuilibet comparandi. Veris ubique ſermonibus virtuti conſentiens fama ce-

lebrabat Sabellios, Cassios, Vitellios, Cæsarinos, omni bellica gloria præstantes. Ipse Ciuium inlustrium, ut quisque fortissimus habebatur, consuetudinem appetebat maximè. Comites obseruabat: colebat Maximos: Cincijs amicissimus erat: Capisucchis familiarissimis utebatur. Neque despiciebantur externi. Laudabat Strozios: Corneas mirabatur: Vicecomites norat: Aragonios non ignorabat: Balleoneos, Aurias, Piccininos, Culleones, Guisios, Confaluos Copiarum duces ætate superiores, ipse suppar audierat Italiæ recentissimis, quæ factionibus, quæ cladibus inclitos magnum ad posteros nomen sibi quæsisse belligerando. Horum Flaminius tot, tantorumque ducum, & ciuium nunc inflammatus exemplis, nunc adhortationibus excitatus, & naturæ ductum, & patriæ vocem haud grauatè secutus est, & auspiciū virtutis, & omen ætatis. Et illi quidem bellandi studium natura, Ciuitas exemplum, disciplina virtutem dedit; materiam audaciæ perditorum: oportunitatem religio, felicitatem Deus. Militiæ dilectus est ætate militari non dum annum duodeuigesimum ingressus: ipso primum inuito parente Mario Delphinio frugalissimo viro: tum vix consentiente: postremo etiam cohortante, posteaquam optimæ filij. naturæ virtutē, & felicitatem non defuisse vidit: qua tempestate, communibus opibus, auspicijsque Romanorum, Venetum, Hispanorumque cum Selymo Turcarum Tyranno in Ambracio sinu Classe certatum est. Maritima rudimenta terrestre continuo incrementum exceperit Belgicum, Germanicum, Illyricum, Pannonicum in magna bellorum varietate versatum. Ad hæc ex interuallis, atque inducijs armorum domum Italiæ voce reuocatus exteris ornamentis non ignobilia decora dome-

domesticæ virtutis adiecit . Prouinciarum incendia restincta: latrocinia non semel, ne sine magnis laboribus oppressa: perduelles excisos: oblatam oppidis lucem: recuperatam quietem . Hæc à me de tanto viro non oratorie dici: non amicorum gratiæ: sed veræ Flaminij virtuti dari: facile constituet, qui cogitatione recordari volet: quibus illa publicis decorata muneribus: quibus summorum Pontificum fuerit cohonestata iudicijs: quibus potentissimorum Regum testimonijs commendata: quibus omnium dilaudata præconijs . Henrici quidem quarti Gallorum opulentissimi Regis, vt hunc vnum è multis potissimum nomen, singulare de Flaminij virtute iudicium, & verissimum videtur, & fertur in primis . Venerat Lutetiâ Parisiorū ad Regē Clemētis Octauī Pontificis auctoritate Petrus Aldobrandinus Cardinalis de pace legatus . Ad amplitudinem ac speciem honestæ deductio- nis Flaminium habebat in comitatu Regi de nomine iam pridē, ac de vultu notissimum: eam adeo notitiam, quam extremam beneuolentiæ lineam esse dicunt, è vicinitate Belgici tumultus fuisse reor . Nam neque Belgio finitima Gallia, neq. bellicosissimus Rex proximè magna cum laude Flaminium per diu depugnātem ignorare debuit . Redeo ad Legatum . E primo statim congressu post publica legationis verba, cum oculos ad astantem coronam circumtulisset fortè Flaminium in cætum nobilium Henricus videt . Agnitum nomine compellat . Et comiter arridens vt humanissimus est, ac talium virorum cupidissimus . Hem quid tandem inquit dissimulare te vir fortissime nunc oportet? & inscio me Flaminī nescius hic eras? cum dicto dextera prehensum vltro perquàm familiariter è Turba segregat: & ad eosqui circū adstant conuer-

sus, en, ait vobis antiquissimum viri specimen, & ve-
 rè Romanum: & quo sua si bona non ignoret Roma,
 longè magnificentius, quam suis illis Marcellis, Sci-
 pionibus, Maximis gloriari queat. At enim illis hu-
 iusce virtutes: huic illorum tempora defuerunt. Quod
 si paribus honoris, & potestatis auspicijs, huic viro
 bellorum terrorem liberè circumferre licuisset: non il-
 li felicitate, quam hic virtute latius Romani nominis
 amplitudinem & fines imperij protulissent: atque
 id genus alia de Flaminio Rex executus non ante di-
 cendi finem fecit: quam suis illum laudibus erubuisse
 sensit. Consecuta deinceps benevolentiae significatio-
 nes: amplexus: seuocatio liberæ sermonis. Epularis
 accubitus: Symposiorum ioci. Gratiissimum tanti Re-
 gis testimonium, quid nos attinet exornare verbis: qui
 si militarium rerum scientia: spectetur: omnium om-
 nis membrarum regum scientissimus est: si firmitas ani-
 mi: constantissimus: si vis ingenij: solertissimus: si
 certaminum usus: exercitatisissimus: si consilium: con-
 sultissimus. Qui plura bella suscepit, quam alij gesse-
 runt: plura confecit: quam cæteri susceperunt: gene-
 re maxima: contentione laboriosissima: discriminè
 difficillima: complexione partium implicatissima: loci
 propinquitate domestica: temporis diurnitate lon-
 gissima. Nam de fortunæ varietate quid dicā? tāta per-
 omnē ætatem rerum vicissitudine circumactus est: ut
 nemo, quod equidem sciam, neque maiore, neque
 diuturniore iactatus fuisse memorètur. Euctus vero di-
 scriminum is demū fuit: qui tantam animi cōstantiam,
 & consilij prudentiam decebat maximè: & qui ut om-
 nium expectatione felicior: sic præcellentissimi Re-
 gis singulari virtute nequāquam maior, vel ipso-
 rum hostium æstimatione, licet fortunatissimi felicitatem
 410, 211

superauerit: inuictissimi magnitudinem animi non æ-
 quauit. Num igitur dubitare possumus, quin eximia,
 singularia, diuina fuerint in Flaminio præstâtissimarû
 ornamenta virtutum: quem maximus omnium cōfes-
 sione Rex, & omnibus omnis laudis insignibus orna-
 tissimus, tam insignitè præter cæteros, & quidè verbis
 amplissimis in eo cætu nobilitatis ornauerit? Sed nul-
 la vestro iudicio grauior videri debet auctoritas Qui-
 rites: qui sanè quàm honorificentissima testificatione
 publici mœoris (quèm honorem ad hanc vsq. diè non
 nisi paucissimis admodum tribuistis) studio ciuiû ob-
 temperandum: obsequendum beneuolentiæ vestræ: me-
 moriæ clarissimi Viri seruiendum putastis. Atqui Vir
 optimus, mortis iuxta, vitæque contetor; cum iam ad-
 moriendum vicinus testamentum conderet, quæ viri
 modestissimi moderatio fuit, diligentissimè cauerat,
 ne Delphinius hæres propinquus, affinis, siue quis alius
 terræ pôdus inutile (sic enim corpus appellabat suum
 honestissimis cicatricibus insignitum) sumtuosè sepe-
 liendum curaret, quâ vos animi modestiam, ac demis-
 sionem inuicti pectoris admirati nihilo tamen minus
 testamenti fidem, vltimam grauissimi viri voluntatem
 irritam esse voluistis. Aequum credo iudicastis in con-
 decorâda publica virtute priuatæ Familiæ legibus ar-
 bitrium patriæ non teneri. Igitur quod nobis è tanto
 viro residuû, quod in Flaminio mortale fuit ex Sena-
 tus Consulto, ciuili celebritate lucus intulistis in Fa-
 miliæ sepulcrum: vt cuius animum tot heroicis vir-
 tutibus inlustrem in viuo corpore cupidissimè dile-
 xistis: memoriam in extincto publicè cohonestare pos-
 setis: vnice viuum amastis: mortuum communiter ex-
 tulistis: comuniû meritorum, vt gratia communis es-
 set: leuis, si cû desiderij vestri magnitudine conferatur:

si vestrorum iudiciorū consuetudo cōsideretur grauis. Tribus tantum copiarum ducibus vestro decreto id memoriæ beneficium ante Flaminium reddidistis. Honorem neque vulgarem, neque vulgatum nunc quartum in Flaminio reuocastis. Consuetudo non est, quæ tam infrequenter redit: & quæ non nisi perpaucissimos spargitur excellentes viros. Potest eximium, singulare, nouū, inusitatum videri; quod à vobis ita consideratè, nec nisi summis viris, idque perrarò datur. Numquam istū honorem vester ille Numantiæ victor in vestro Capitolio superbè repudiasset: quod in Atheniensiu Pri-tanæo fecisse legitur, cum statuā illi publice decernentibus inter innumerabiles Græciæ principes, diceret, se non amare gregalem. Itaq. Flaminio vestro publicū in æde funus, publicū in arce monumentū inter summorū Ducū tria Capitolina decora decreuistis: vt eorum esset apud gratissimos Ciues honor memoriæ coniunctus: qui communi Patriæ magna pacis ornamēta, magna belli societate bellorum virtutū similitudine, pari felicitate peperissent. An quæso nisi augustior quædam, & solito more maior huius Viri species in vestris animis insedisset: tam honorifica Quirites, tam inusitata de cohonestādo Flaminij funere, ac nomine iudicia fecissetis? uoui grauitatem, moderātionem, prudentiam vestram. Non fecissetis.

Quæ cum ita sint, quoniam, vt initio dicebam, virorum optimè de Rep. meritorum, honorificentissima commendatio virtutis ad posteros est imitatio posterorum: è vestris iudicijs, ex hoc funebri testimonio ciuiliū exequiarum expressius, quàm ex mea laudatione Romani iuuenes Flaminij clarissimi ciuis exēplum petent. Habet, habet à vobis Quirites propositum specimen ciuilis honestatis: ex quo sibi domi, militiaeque Romana

Romana iuuentus ad Flaminij recordationem inuitamenta virtutis, & laudis incitamenta depromat. At me breuiter hæc de iuuentutis honestate, deque Flaminij vera celebratione dicentem, & dicere plura conantem haud sanè mediocriter perturbat huius pueri vel solitudo, vel indoles: quem vnicum nobis magnæ suæ mētis Flaminius hæredem reliquit: miserū me: nec oculi sustinent miseram in filio, quam felicem desiderāt similitudinem ingentis Patris: & impeditam lacrimis vocem infixus animo intercludit dolor. Igitur cætera Nobilitas ex huius domo: paternum heroicæ virtutis hortamentum petet: ipse domesticam hortationem filius à viuo Patre non audiet? miseret me fili præstātis indolis tuæ. Cum faciliè venires in omnem laudem Patris: Tibi Pater ereptus est in aditū pulcherrimæ hæreditatis. Hei mihi quāto præsidio domesticæ gloriæ, quanto publicæ dignitatis ornamento cares? Ex ingētis Patris indole, quantum hausisti: quantum amisisti Puer? Quid facias aliud? dignus tu quidem eras, cui Patris ornatissimi viri vita diuturnior ad exactam effigiem istius indolis esset disciplina: facilior: qualis esses? quantus euaderes? quem vultum illo suæ, tuæque laudis artifice duceres: si paternæ dignitatis specimen inchoatum à naturā viui Parentis artificio perpolires? aliter Deo visum. Dignissimum optimo parente filium orbatum: parentem simillimo filio dignissimū è rebus humanis citius expectato subductum gemini doloris voluit nobis esse monumentum intuentibus imperfectum in superstite filio simulacrum pendens spei: præsens in mortuo parente: requirentibus perfectæ dignitatis exemplum. Quid agendum? moderate feremus, quod necessario ferendum est. Leue sit tolerando, quod deponere non licet. Si bonus animus in re mala bonum

bonum est condimentum mali: quanto melius in re nō
 mala condimentum erit? benè de bonis sentire, neque
 difficile, neque mortalibus inusitatum. Maximi Regis
 imperium, optimi Parentis arbitrium fuisse scias reli-
 ctam in solitudine pueritiam tuam ad experimentum
 tui. Quicquid ille summus, ille verus, ille Sanctus vir-
 tutum Parens: quicquid sapientissimus mundi Con-
 ditor, & Magister, hominumquē Cœlitumque sempi-
 ternus Imperator Deus ex edita diuinæ suæ providē-
 tiæ specula mortalibus euenire iusserit: id vt sapien-
 tissimè decretum, sic optimè consultum sapientes in-
 terpretari solent. Consilia diuina sic sunt occulta, non
 irrita. nobis inopinata: Deo præuisa sapienter. Institu-
 ta subamara sunt: expedita delectant: experientibus
 ingrata: iucundissima iam expertis. Ad animum non
 ad sensum affluunt. Voluptati negata sanitati seruiūt.
 initium rudimenta latentis virtutis cum particula clan-
 destinæ felicitatis: exitus erudimenta virtutis iam emi-
 nentis, & totam ac manifestam felicitatem exerit. Sū-
 me bonum animum fili. Iam nunc magnus es: quem
 æqualem adultæ virtuti iudicat, cū experimento tam
 acerbi vulneris à pueris exercet Deus. Hoccine tandē
 paternum est? ætatulam istam indolis paternæ, tam
 difficile Tyrocinium ponere iussisse? vt amissum pa-
 rentem ante lugeres: postea referres? & tam præsentī
 virtute dares nobis documentum futuræ spei? Hem
 quibus gradibus ad fastigium patriæ similitudinis, ti-
 bi munit ascensum Cœlestis Pater: Infelix Puer è do-
 lore crescis. in Patris locum succedis è luctu Patris.
 Hoccine pium? hoccine paternum? etiam. Paternum
 est, ne dubites, fili. Fortunam ex alijs, ex te condisce
 virtutem. Mortali parente orbatus, immortalī relictus,
 & commēdatus es. Dignos isto loco nobilissime Puer:

dignos utroque parente spiritus gere: sustine specimen
 Flaminij Patris: expectationem Patriæ, commendationem
 nobilitatis tuæ tuere constanter, non industrijs, sed inertibus inimicam. Simul mortuum parentem,
 simul & te mortalem esse memineris. Si tuam naturam
 noueris: negabis insolentem esse calamitatem tuam.
 Mortales nati sumus: calamitosi fumus: volucris imago vitæ:
 fugax umbra concreti pulueris: fugitiui temporis ludibrium:
 palæstra mortis. Communis omnium conditio, priuata videri non debet.
 In hæc verba legis antiquissimæ, nulloque vnquam tempore antiquandæ,
 quoad erunt, qui mori possunt, necessitas humana iurauit:
 ortum ut occidat: ut aucta consenescant. Nascimur: viuimus: morimur.
 Hæc humanarum rerum elementa sunt. Necessitati parendum.
 Verumtamen si teneritas istius ætatis nondum admittere potest
 saluberrimam hanc adeo robustæ sapientiæ medicinam: si propiora naturæ:
 si iucundiora solatia tam acerbo vulnere quærere nos oportet:
 quoniam conferre lacrimas: miscere gemitus: congerere mærorem
 miseris in iucundissima parte solatij est: aut hoc Senatus
 Populique Romani publico mærore domesticum lenies: aut nullo
 lenies. Cum ad memoriam amissi Patris ex desiderio pius, ut fit,
 in animo tuo recrudesceat dolor: hæc apud te quæso fac
 reputes fili. Senatus Populusque Romanus com-
 muniter extulit Patrem meum, luctu tanto, mærore tanto,
 quasi parentem, non Ciuem efferret. Meum Patrem extulit.
 S. P. Q. R. & ne quando publica memoria tam egregiæ
 pietatis interire posset: publicum in æde funus:
 publicum in arce monumentum Patri meo decreuit.
 S. P. Q. R. O Patriæ singularem beneuolentiam erga Patrem meum. O mortui Patris mei me-
 mo-


moriam, optimorum beneficio ciuium immortalē.
 O grauissimi Senatus incredibilem humanitatem. Mo-
 riar: nisi beneuolentissimis Ciuibus virtutem Patris
 imitatione mea reddam. Interim si solatium quæro:
 paratum habeo lenimentum doloris in Patriæ publi-
 co funere: si laudis incitamentum: habeo viuam Pa-
 tris memoriam in publico ciuium monumento. Hæc
 tecum ipse reputabis. Cæterum nunquam ego tibi cõ-
 memorauerim iacturam rei familiaris: quam nemo
 Delphiniorum sibi ne tacitò quidem fuggerit: nec
 quantum ex amplissimo patrimonio tuo Patris in mi-
 lites, in hospites, in amicos, in egentes, in supplices
 heroica liberalitate decesserit. Illud potius recorda-
 beris; ex illa despicientia diuitiarum quantus veræ
 gloriæ cumulus ad hæreditatem cæteræ laudis adces-
 serit. Flaminio Patri, non pecuniæ sed gloriæ cupiditas
 in quæstu fuit. Nunquam magnus ille animus militiã
 occasionem auaritiæ putauit. Inflammatus reipublicæ
 studio, pecuniæ videlicet parceret: qui non parceret
 sanguini? Itaque bellicosissimus Pater necessitatibus
 bellorum addictus, vt haberet vnde militis fidem ob-
 strictam sibi conuerteret ad reipublicæ defensionem:
 tibi parcendum non fuit: gloriæ seruiendum fuit. Et
 quoniam à militaribus rapinis ipsius abstinentia sin-
 gularis: ab ærarijs Principum nimis attenta parsimo-
 nia cæterorum non eam quam ingens eius animus ca-
 peret: sed quam temporum necessitas iuberet mate-
 riam gloriæ præbere videbantur: maiorum tuorum
 bene parta suæ laudis instrumenta putauit: quo mu-
 nificentia splendore dignitatem Romani nominis, &
 personam eximij Ductoris egregiè sustineret. Nunc
 attenuatum patrimonium filio reliquit pater: amplif-
 simam hæredi sui generis hæreditatem ratus, incolu-
 mita-

mitatem Reipublicæ: patriæ dignitatem: beneuolentiã
 Ciuium: Exemplum Patris. Qui constituisset in bene-
 ficentiæ profusione victigal: exclusis auaritiæ sordibus,
 audior amplificandæ tibi gloriæ, quam hæreditatis
 fuit. Te verò Flamine moderatissime Ciuis, fortissi-
 meque bellator. si mentem tuam, vt spes est, Cælestiũ
 ordinibus illatam implorare fas est: quædecunq. Cæli
 parte nos aspicias: honorem tui corporis, Ciuium tuo-
 rum beneuolentiam, filij tui solitudinem meminisse
 par est. Filio tuum animum inspira Pater. Indolem tuæ
 mentis amplexus redde nobis in hærede Filio dignita-
 tem Patris: redde Patriæ virtutem tuam. Illam, illam
 redde mentem quamuis magnæ molis capacem: illam
 veræ gloriæ cupiditatem: illam ingenij vim: illam ani-
 mi moderationem: illam vtriusque temporis necessi-
 tatibus responsuram fidem: illam demum mētem tuā,
 Reipublicæ consulentem. Alio meliore solatio nostrũ
 tui desiderium lenire: Ciuium hunc honorem alio po-
 tiore beneficio remunerari non potes: quam si tuam
 indolem tui Ciues in superstitis Filij similitudine re-
 miniscantur. Vos autem sacrorum Antistites: vos ho-
 minum interpretes ad Deum: quibus ea muneris au-
 thoritas est collata diuinitus: vt animos mortuorum
 vestris allegationibus ac Sacrificijs expiatos eripere
 flammis, & ad Cælũ euehere possitis: & si Flaminus
 Delphinius vestri cum primis ordinis obseruātissimus
 Aemiliæ modò præfectus: & Ferrariensium Equitum
 Magister Ferrariæ decedens è vita mortalitatis curri-
 culum gloriosissimè peractum religiosissimè conclu-
 sit: ita ijs, quas commemorauimus virtutibus stipa-
 tus: adeo postuemis munitus præsidijs Christianorum
 sacrorum: eo sensu pietatis, ea fiducia diuinæ clemen-
 tiæ fretus: vt sperare possimus egregium eius animum
 omni-

omnibus iam humanæ corruptelæ perfunctum laboribus, maculisque deterfis, hominum suffragijs ad capeſſendum Cæleſtium ordinem non indigere: tamen, quia ſpes hæc, non certa cognitio eſt: & quia mortalibus incerta plerunque conditio mortuorum apud ſuperſtites certum officium debitæ pietatis excludere non debet: ite: Flaminio moderatiſſimo Ciui, fortiſſimo Ductori Chriſtiana iuſta perſoluite. Funebris ſupplicationis inſtituta ſacra repetamus: quibus illi, vel aditum ſalutis expedire licet ad Cælum: vel in Cælo ſummam iam certæ felicitatis augere lucis aduentitiæ vel mercede, vel cumulo. Sentiat à nobis, quam Romani nobiliſſimi Viri nunquam degener animus, ſentire poteſt, in ſupremis ſui corporis opem auitæ religionis ſuæ. Cuius ille Sanctiſſimo quaſi gremio ſuſceptus venerationem optimæ nutricis cum lacte ſuxit: numen caſto pectore complexus eſt: nomen largo ſanguine vindicauit. Nefas eſt illi pia Religionis ſuffragatione non aſſeſſe, quâ licet: qui propugnationem eius laborioſam, & cruentam ſibi depopoſcit: quâ nobis fortium armis circûdatis in litterarum, & Sanctitatis otio collocati doctam, ac quietam eſſe maluimus. Equidem Clariffimi viri memoriæ vocem hanc libentiſſime dependi: quæ mihi quantacunque dèum eſt, in Romana libertate compoſito, vobiſcum ope bellatrix huius dextera per ſtudia ſecuræ pacis, ac Religionis adolcuit. DIXI.

F I N I S.







B/20

33/212

OK

LMN.

Telhof E

